

শারদ আনন্দ

সুপর্ণা ভট্টাচার্য

শরতের আকাশ নীলিমা ভরা
ঢাকের তালে বাজে আনন্দ ধারা।
বিলাসী হাওয়ায় কাশফুল দোলে,
শহর জাগে উৎসবের কোলাহলে।
দীর্ঘ প্রতীক্ষার পরে ফেরে যে আপন
বাড়ির উঠোনে জাগে স্নেহ-স্পন্দন।
আলপনা আলোয় সাজে পথঘাট,
নতুন পেশাকে শিশু, মুখে উল্লাস।
ফুল, বাতি, আলোতে ভরা নগর
মিলনের সুখে কেটে যায় প্রহর।
শারদ উৎসব শুধু আনন্দের গান,
প্রেম-প্রীতি-আশীর্বাদে নতুনের আহ্বান।